



დმანისის მუნიციპალიტეტის საკრებულო



ქ.დმანისი

გ ა ნ კ ა რ გ უ ლ ე ბ ა

N 127 08
07/12/2017

**საკრებულოს წევრების გადაწყვეტილების დმანისის მუნიციპალიტეტის საკრებულოში
ფრაქცია „ქართული ოცნება- მრეწველების“ შექმნის და მის თავმჯდომარედ ფირუზა
ციხელაშვილის არჩევის ცნობად მიღების შესახებ**

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2-ე პუნქტის, 30-ე მუხლისა და „დმანისის მუნიციპალიტეტის საკრებულოს დებულების (რეგლამენტის) დამტკიცების შესახებ“ დმანისის მუნიციპალიტეტის საკრებულოს 2014 წლის 14 ივლისის №42 დადგენილების 35-ე მუხლის თანახმად, დმანისის მუნიციპალიტეტის საკრებულომ **გადაწყვიტა:**

1. ცნობად იქნეს მიღებული საკრებულოს წევრების გადაწყვეტილება 2017 წლის 06 დეკემბერს, დმანისის მუნიციპალიტეტის საკრებულოში ფრაქცია „ქართული ოცნება-მრეწველების“ შექმნის და მის თავმჯდომარედ ფირუზა ციხელაშვილის არჩევის შესახებ.
2. განკარგულება ძალაშია ხელმოწერისთანავე.
3. განკარგულება შეიძლება გასაჩივრდეს გაცნობიდან ერთი თვის ვადაში ბოლნისის რაიონულ სასამართლოში (ქ. ბოლნისი სულხან საბას ქ. N113).

მერაბ ოქრიაშვილი

საკრებულოს თავმჯდომარე

დმანისის მუნიციპალიტეტის საკრებულოს ფრაქცია

„ქართული ოცნება-მრეწველების“

სხდომის ოქმი N1

05.12 2017 წელი

დღის წესრიგი:

ქ.დმანისი

1.დმანისის მუნიციპალიტეტის საკრებულოში ფრაქცია „ქართული ოცნება-მრეწველების“ პოლიტიკური პლატფორმისა და წესდების დამტკიცება.

2. ფრაქციის ხელმძღვანელი პირების არჩევა.

სხდომას ესწრებოდნენ: 1. ფირუზა ციხელაშვილი, 2. ფაიგ ისმაილოვი 3.გუმბათ იუსუბოვი

სხდომის თავმჯდომარე: ფირუზა ციხელაშვილი

სხდომის მდივანი: ფაიგ ისმაილოვი

დღის წესრიგი დამტკიცდა 3 ხმით არცერთის წინააღმდეგ.

1. სხდომის თავმჯდომარემ , ფირუზა ციხელაშვილმა წარმოადგინა ფრაქციის წესდება და პოლიტიკური პლატფორმა . აზრი გამოთქვა ფირუზა ციხელაშვილმა, რის შემდეგაც კენჭი ეყარა ფრაქციის წესდებისა და პოლიტიკური პლატფორმის დამტკიცებას. ფრაქციის წესდება და პოლიტიკური პლატფორმა დამტკიცდა 3 ხმით არცერთის წინააღმდეგ.

2. ფრაქციის თავმჯდომარედ დასახელდა ფირუზა ციხელაშვილის კანდიდატურა . კენჭისყრის შედეგად ფრაქციის თავმჯდომარედ 3 ხმით არცერთის წინააღმდეგ. არჩეულ იქნა ფირუზა ციხელაშვილი.

ფრაქციის მდივნად დასახელდა ფაიგ ისმაილოვის კანდიდატურა, კენჭისყრის შედეგად ფრაქციის მდივნად არჩეულ იქნა ფაიგ ისმაილოვი 3 ხმით არცერთის წინააღმდეგ.

ფრაქციამ გადაწყვიტა, რომ ფრაქციის სარეგისტრაციოდ საჭირო დოკუმენტაცია წარედგინოს დმანისის მუნიციპალიტეტის საკრებულოს სამანდატო. საპროცედურო საკითხთა და ეთიკის კომისიას.

სხდომის თავმჯდომარე:

ფირუზა ციხელაშვილი

სხდომის მდივანი:

ფაიგ ისმაილოვი

დმანისის მუნიციპალიტეტის საკრებულოს ფრაქცია „ქართული ოცნება - მრეწველები“
პოლიტიკური პლატფორმა

05.12.2017 წელი

ქ.დმანისი

დმანისის მუნიციპალიტეტის საკრებულოს ფრაქცია „ქართული ოცნება - მრეწველები“ არის დემოკრატიული იდეოლოგიის მატარებელი დეპუტატების გაერთიანება. ფრაქცია „ქართული ოცნება - მრეწველები“ საკრებულოს საქმიანობის ფარგლებში ითანამშრომლებს ყველა იმ პოლიტიკურ ძალასთან, რომელიც მხარს უჭერს ფრაქციის სამოქმედო სტრატეგიასა და პრიორიტეტებს.

1. ერთიანი და დემოკრატიული ქართული სახელმწიფოს ჩამოყალიბება.
2. სახელმწიფოებრივი პატრიოტიზმის, ეროვნული მსოფლმხედველობისა და იდეალების დამკვიდრება, ეთნიკური, კონფესიური, კულტურული და ტრადიციული თვითმყოფადობის შენარჩუნება.
3. ტერიტორიული მთლიანობის აღდგენა, ინტეგრაცია ევროპულ სტრუქტურებსა და ნატოში.
4. სახელმწიფო აღმშენებლობაში აქტიური მონაწილეობა, მშვიდობიანი და სამართლებრივი პოლიტიკური საშუალებებით.
5. ადამიანის ძირითად უფლებათა და თავისუფლებათა დაცვა.
6. სიტყვისა და გამოხატვის თავისუფლების დაცვა.
7. სიღარიბის დაძლევა .
8. განათლებისა და ჯანდაცვის ხელმისაწვდომობის უზრუნველყოფა.
9. სამუშაო ადგილების შექმნა;
10. ძლიერი თვითმმართველობის ჩამოყალიბება.

დმანისის მუნიციპალიტეტის საკრებულოს ფრაქცია „ქართული ოცნება - მრეწველები“ წესდება

თავი 1

ზოგადი დებულებანი

მუხლი 1.

- 1.1. დმანისის მუნიციპალიტეტის საკრებულოს ფრაქცია „ქართული ოცნება - მრეწველები“ არის დმანისის მუნიციპალიტეტის საკრებულოს წევრთა ნებაყოფლობითი გაერთიანება, საერთო პოლიტიკური მიზნების მისაღწევად.
- 1.2. ფრაქციის შექმნისა და საქმიანობის საფუძველია საქართველოს კონსტიტუცია, დმანისის მუნიციპალიტეტის საკრებულოს რეგლამენტი და სხვა ნორმატიული აქტები.

თავი 2

ფრაქციის მიზნები და ამოცანები

მუხლი 2.

- 2.1. ფრაქციის ზირითადი მიზნები და ამოცანებია:
 - ა) დმანისის მუნიციპალიტეტში ადგილობრივი თვითმმართველობის საკითხებთან დაკავშირებით საკუთარი პოლიტიკური კურსის გამოხატვა და გატარება;
 - ბ) დმანისის მუნიციპალიტეტის საკრებულოს საქმიანობაში მონაწილეობა;
 - გ) დმანისის მუნიციპალიტეტის საკრებულოს კანონშემოქმედებითი საქმიანობის განხორციელებისას ფრაქციის შეჯერებული აზრის გამოხატვა;
 - დ) ფრაქციის პოლიტიკური პლატფორმის განხორციელება.

თავი 3

ფრაქციის სტრუქტურა და საქმიანობის წესი

მუხლი 3.

- 3.1. ფრაქციის უმაღლესი ორგანოა ფრაქციის სხდომა.
- 3.2. ფრაქციის სხდომა ღიაა. ფრაქციის სხდომა ფრაქციის წევრთა მოთხოვნით შეიძლება გამოცხადდეს დახურულად.
- 3.3. გადაწყვეტილებები ფრაქციის სხდომაზე მიიღება დამსწრეთა უბრალო უმრავლესობით.

3.4. ფრაქციის სხდომა იმართება საჭიროებისამებრ. საჭიროებისამებრ ფრაქციის სხდომა შეიძლება მოწვეულ იქნას ფრაქციის თავჯდომარის ინიციატივით ან ფრაქციის წევრთა მოთხოვნით.

3.5. ფრაქციის სხდომა უფლებამოსილია თუ მას ესწრება ფრაქციის წევრთა უმრავლესობა.

მუხლი 4.

4.1. ფრაქციის წევრი შეიძლება გახდეს დმანისის მუნიციპალიტეტის საკრებულოს ნებისმიერი წევრი, რომელიც იზიარებს ფრაქციის პოლიტიკურ პლატფორმას და ფრაქციის წესდებას.

4.2. ფრაქციაში გაწევრიანების მსურველი საკრებულოს წევრი, წერილობითი განცხადებით მიმართავს ფრაქციის თავჯდომარეს.

4.3. ფრაქცია საკრებულოს წევრის განცხადებას განიხილავს ფრაქციის უახლოეს სხდომაზე და იღებს შესაბამის გადაწყვეტილებას.

4.4. ფრაქციაში ახალი წევრის მიღების შესახებ ფრაქციის თავჯდომარე 3 დღის ვადაში წერილობით აცნობებს დმანისის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიას და საკრებულოს აპარატს.

4.5. ფრაქცია ფრაქციის წევრის განცხადებას ფრაქციის დატოვების შესახებ იღებს ცნობად.

მუხლი 5.

5.1. ფრაქციის წევრს უფლება აქვს:

ა) აირჩიოს და არჩეულ იქნას ფრაქციის ნებისმიერ ხელმძღვანელ თანამდებობაზე ან დაასახელოს შესაბამისი კანდიდატურა;

ბ) მიმართოს ფრაქციას ნებისმიერი წინადადებით ან ინიციატივით, რომელიც შეეხება საკრებულოს განსახილველ საკითხს და მოითხოვოს ფრაქციის მხარდაჭერა;

გ) მიიღოს ფრაქციის აპარატში არსებული ნებისმიერი ინფორმაცია თვითმმართველობის საქმიანობისა და მიღებული გადაწყვეტილებების შესახებ;

დ) მონაწილეობა მიიღოს ფრაქციის ეგიდით ჩატარებულ ღონისძიებებში.

5.2. ფრაქციის წევრი ვალდებულია:

ა) დაიცვას ფრაქციის წესდება;

ბ) მონაწილეობა მიიღოს ფრაქციის საქმიანობაში;

გ) აქტიურად ჩაერთოს ფრაქციის პოლიტიკური პლატფორმის განხორციელებაში;

დ) თავისი ქმედებით არ დაუშვას ფრაქციის დისკრედიტაცია.

5.3. ფრაქციიდან გასვლა:

ა) ფრაქციის წევრი განცხადებით მიმართავს ფრაქციის თავმჯდომარეს ფრაქციიდან გასვლის შესახებ.

თავი 4

ფრაქციის ხელმძღვანელი პირები და მათი უფლებამოსილებები

მუხლი 6.

- 6.1. ფრაქციის ხელმძღვანელი პირები არიან - ფრაქციის თავმჯდომარე, მოადგილე და მდივანი.
6.2. ფრაქცია თავისი შემადგენლობიდან ირჩევს თავმჯდომარეს და მდივანს.

მუხლი 7.

7.1. ფრაქციის თავმჯდომარე:

- ა) ხელმძღვანელობს ფრაქციის საქმიანობას;
ბ) წარმოადგენს ფრაქციას საკრებულოში და მის გარეთ;
გ) თანამდებობრივად შედის საკრებულოს ბიუროს შემადგენლობაში;
დ) წარმართავს ფრაქციის სხდომებს;
ე) ახორციელებს სხვა უფლებამოსილებებს.

7.2. ფრაქციის თავმჯდომარის მოადგილე თავმჯდომარის დავალებით ხელმძღვანელობს ფრაქციის საქმიანობის ცალკეულ მიმართულებებს და საჭიროებისამებრ ასრულებს ფრაქციის თავმჯდომარის მოვალეობას.

7.3. ფრაქციის მდივანი ასრულებს ფრაქციის თავმჯდომარის დავალებებს, ხელმძღვანელობს ფრაქციის შიდაორგანიზაციულ საქმიანობას. ახორციელებს მისთვის მინიჭებულ სხვა უფლებამოსილებებს.

თავი 5

ფრაქციის წესდების გადასინჯვა

მუხლი 8.

9.1. ფრაქცია უფლებამოსლია ნებისმიერ დროს გადასინჯოს ფრაქციის წესდება და პოლიტიკური პლატფორმა.